

stærð og staðsetningu stöðvarinnar. Þegar húsnæði er lagt til skal það fullnægja skilyrðum um gerð spennistöðvarhúsa, að dómi rafveitustjóra.

Gjaldskrá þessi gildir í skipulögðum hverfum. Sé um óskipulagt hverfi að ræða eða aðstæður óeðlilegar skal greiða heimtaugargjald samkvæmt kostnaðarreikningi. Helmingur heimtaugargjalds skal greiddur við umsókn, en síðari hlutinn áður en notkun hefst.

Gjaldskrá þessi, sem sett er samkvæmt vatnalögum nr. 15 20. júní 1923 og orkulögum nr. 58 29. apríl 1967, staðfestist hér með til að öðlast gildi 1. febrúar 1980, sbr. auglýsingu nr. 87/1980 og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis nr. 392 20. september 1979 með síðari breytingum.

Iðnaðarráðuneytið, 6. febrúar 1980.

F. h. r.

Páll Flygenring.

Kristmundur Halldórsson.

ERINDISBRÉF

umboðsfulltrúa dómsmálaráðuneytis.

Starf umboðsfulltrúa er í því fólgið að veita úrlausn fyrirspurnum og erindum fólks, sem telur á hlut sinn gengið í samskiptum við stofnanir ríkisins. Fyrst um sinn mun starf umboðsfulltrúa einkum lúta að dómgæslu, löggæslu og fangelsismálum.

Verkefni umboðsfulltrúa er að leiðbeina fólki um meðferð mála og taka til athugunar einstök umkvörtunarefni. Þá skal hann veita ókeypis lögfræðilega aðstoð eftir því sem efni standa til.

Hver sá sem telur sig rangindum beittan getur leitað til umboðsfulltrúa. Skal hann greina nafn sitt og heimilisfang og láta fylgja öll tiltæk sönnunargögn. Eigi skal taka til meðferðar umkvörtunarefni, sem eldri eru en eins árs, nema sérstakt tilefni sé til.

Umboðsfulltrúi sker úr hvort umkvörtunarefni sé nægilegt tilefni til málsmeðferðar. Umboðsfulltrúi getur tekið upp mál af eigin frumkvæði.

Umboðsfulltrúi skal afla nauðsynlegra upplýsinga um umkvörtunarefni og getur krafist af stjórnvöldum allrar tiltæktrar vitneskju, sem hann þarfnast í því skyni. Á grundvelli þeirra gagna úrskurðar umboðsfulltrúi hvort um sé að ræða brot á góðri stjórnslu. Ef svo er ekki skal hann skýra þá niðurstöðu fyrir umkvörtunaraðila. Komi í ljós að meðferð máls samræmist ekki góðri stjórnslu skal hann tilgreina aðfinnslur sínar í sérstökum úrskurði og birta hann hlutaðeigandi stofnun og ráðuneyti.

Umboðsfulltrúa ber að gæta þagnarskyldu um þau atvik, er honum verða kunn í starfi og eðli máls samkvæmt þurfa að fara leynt, enda séu þau ekki þegar á almenningssviði.

Verði umboðsfulltrúi var við meinbugi í lögum skal hann tilkynna það hlutaðeigandi ráðuneyti og Alþingi.

Árlega skal umboðsfulltrúi gera skýrslu um starfsemi sína á liðnu ári. Skal hún prentuð og birt fyrir 1. október ár hvert.

Umboðsfulltrúi skal halda sérstaka spjaldskrá um öll móttækin erindi, sem hann fær til meðferðar. Fram skulu koma nöfn fyrirspyrjenda, dagsetning erinda, innihald erinda, og síðan skal skrá hvaða dag þau eru afgreidd, hvernig þau eru afgreidd og hvernig tilkynnt fyrirspyrjendum. Þá skal skrá við hvaða stofnanir málið er rætt.

Umboðsfulltrúi getur gefið opinbera tilkynningu um mál. Skal hann þá skýra frá hvaða skýringar hlutaðeigandi stjórnvald hefur borið fram sér til varnar.

Ráðning til starfs umboðsfulltrúa er nú til eins árs.

Dóms- og kirkjumálaráðuneytið, 7. febrúar 1980.

Vilmundur Gylfason.

Baldur Möller.

14. febrúar 1980.

Nr. 140.

AUGLÝSING

um samræmingu tolla samkvæmt 13. tl. 3. gr. laga
nr. 120/1976, um tollskrá o. fl.

Fjármálaráðuneytið hefur samkvæmt heimild í 13. tl. 3. gr. laga nr. 120/1976, um tollskrá o. fl., samræmt tolla á eftirtöldum vörum svo sem hér segir:

Tollskrárnúmer sem vara flokkast í	Vörulýsing	Tollskrárnúmer sem samræmt er við
21.0719.	„Frost dessert, Vanille“	18.06.09
38.19.49	„Diabet“ eða svonefnt sætefni fyrir sykursjúka	21.07.03
38.19.49	„Scmincke Abdeckfarbe für photographische negative“ eða litarefni í 20 ml túpum til nota við að hylja galla á grafísk- um filmum	37.08.00
39.02.52	„LANIERE“ eða plastplötur m. a. til framleiðslu á vængja- og/eða rennihurðum	59.0809
39.02.52	„1000 Hour Cover Lens“ eða óbrjótanleg hlífðargler í raf- suðuhjálma	70.06.00
39.07.99	Myndarammar úr plasti	83.06.01
39.07.99	„Grozmilltonnen GMT 240, anthrazit“, eða 240 l sorpilát á hjólum	73.40.55
39.07.99	„MGB-System refuse Containers 120/220, mobile“ eða 120 og 220 l sorpilát á hjólum	73.40.55
39.07.99	„FERTIGROSETTEN“ eða svonefndar „pakkarósir“	62.05.19
44.28.99	Vörupallar („pallets“) úr trjáviði	39.07.13
46.03.09	Barnaburðarkörfur úr tágum	42.02.49
46.03.09	Barnaburðarkörfur úr basti	42.02.49
46.03.09	Búsáholdasamstæður („Pic-nic“-sett) eins og hitaflöskur, bollar, diskar, gafflar, skeiðar, hnifar o. fl. í tóskum eða körfum, enda beri viðkomandi vörur það greinilega með sér, að ætlast sé til þess af hálfu framleiðanda, að þær	